



O'zMTDP — www.mf.uz

MILLIY TIKLANISH

Ўзбекистон "Миллий тикланиш" демократик партияси нашри

№ 41 (1039) 2019 йил 13 ноябрь, чоршанба
1995 йил 10 июндан чиқа бошлаган

3 **НЕГА САЙЛОВЧИ
«МИЛЛИЙ ТИКЛАНИШ»НИ
ТАНЛАШИ КЕРАК?**



5 **МАҲАЛЛИЙ ИШЛАБ
ЧИҚАРУВЧИ ҚўЛЛАБ-
ҚУВВАТЛАНАДИ**

8 **«ЮКСАЛИШ»
ОҒРИҚЛИ МАСАЛАГА
ҚўЛ УРДИ...**



ЭНДИ ХАТО ҚИЛИШГА ҲАҚҚИМИЗ Йўқ



Дунёда 30 ёшгача бўлган 2 миллиардга яқин аҳоли бўлиб, уларнинг аксарияти ривожланган мамлакатлар ва Марказий Осиё хиссасига тўғри келмоқда. Ушбу кўрсаткич кейинги ўн йилда янада ортиши ва бу жараён асосан бизнинг минтақамизда юз бериши кутиляпти.

Тўғри, аҳолининг ёшлар ҳисобига кўпайиши ўз навбатида демографик дивидент, шунингдек, иқтисодий-ижтимоий ривожланиш учун кенг имконият яратди. Таҳлиллар шуни кўрсатмоқдаки, минтақамизда ёшларнинг ахборот технологиялари, бандлик, таълим, соғлиқни сақлаш

соҳаларидаги эҳтиёжини қондириш, ёшларга тааллуқли глобал стратегияларни ишлаб чиқишда айнан ёшлар иштироки талаб даражасида эмас. Шунинг учун ҳам бутун дунёда ёшларга оид сиёсатни ишлаб чиқиш, улар ролини ошириш замон талабига айланди.

Маълумки, демографик дивидент деганда меҳнатга лаёқатли аҳолидан меҳнатга лаёқатсиз аҳоли сонининг кўп бўлиши тушунилади. Бу эса иқтисодий қўллаб-қувватлашга қаратилган сиёсатни кучайтириш ва инсон камолотига хизмат қилувчи қаратилган сармояларни кўпайтиришни талаб қилади.



Янги асар

Декорация учун 3 та вокзал, 2 та 14 метрли поезд, битта пароход қурилди

“Ўзбекино” миллий агентлигининг буюртмасига бинонан, жаҳидчилик ҳаракатининг намояндalarидан бири Абдулла Авлоний таваллудининг 140 йиллиги муносабати билан “Авлоний” тўлиқ метражли фильмини суратга олди.

Фильм воқеаларига Тохир Маликнинг “Қалдирғоч” асари мотиви асос қилиб олинган.

Картинада Абдулла Авлонийнинг 1919 йилда Афғонистонга қилган дипломатик сафари ҳақида ҳикоя қилинади.

Киноасарда Абдулла Авлоний роли Хоразм театри актёри Алишер Йўлдошевга ишониб топширилди ва яна маҳоратли актёрлардан Матёқуб Матчонов, Мухаммадали Абдуқундузов, Аброр Йўлдошев, Жавоҳир Зокировлар фильмнинг профессионал чиқишига ёрдам беришди.

Фильмни суратга олиш ишлари апрель ойида бошланиб, август ойида ниҳоясига етди. Съемка жараёнлари Хоразм, Қорақалпоғистон Қўқон ҳудудларида бўлиб ўтди.

Ижодий гуруҳ катта масъулиятни ҳис қилиб, кенг қамровда ишлашди.

Хусусан, 20 дан зиёд декорация: жумладан, 3 та вокзал, 2 та 14 метрли поезд, битта пароход қурилди, 500дан зиёд костюм тикилди.

Давоми 2-бетда

САЙЛОВ СИЙЛОВ ЭМАС,

САЙЛОВЧИ ДОИМО ҲАҚ Бўлиб ҚОЛАВЕРАДИ

2-бет

«ЎРГАН, СТУДЕНТ»



Ким нима деса десини, лекин контррионагадани Фарғона вилоят ҳокими. 2 **2**

МАКТАБ КўРГАНЛАР МАКТАБИ

5 **5**

Аҳолини рўйхатга олиш нега керак?

Аҳолини рўйхатга олиш расмий статистика тизимидаги асосий роль уйнайдиган муҳим кўрсаткич ҳисобланади. Бунда аҳоли сони буйича аниқ ва ишончли маълумот олиш имкони пайдо бўлади. Шу билан бирга аввалги рўйхатга олишдан сўнг ўтган даврда рўй берган барча демографик ўзгаришларни аҳолининг жинси, ёши, оилавий аҳоли, маълумоти даражаси, бандлиги, миллати, фуқаролиги ҳамда бошқа ижтимоий ва иқтисодий хусусиятлари буйича ҳам аниқ, тугал маълумот яратилади.

Манбаларда келтирилишича, Ўзбекистон ҳудудида дастлабки аҳоли рўйхати 1897 йилда ўтказилган бўлиб, ушбу рўйхат маълумотлари XIX аср охирида Ўзбекистонда мавжуд оилалар сони, аҳоли сони, ёши ва жинси, этник таркиби, туғилиш, ўлим каби демографик жараёнлар ҳақида тасаввур ҳосил қилишга ёрдам берган. Ўзбекистон ҳудудида кейинчалик 1926, 1939, 1959, 1970, 1979 ва 1989 йилларда аҳолини рўйхатга олиш ишлари ташкил этилган.

Бироқ, бугунги кунгача юртимизда аҳолини рўйхатга олишга тайёргарлик кўриш, уни ўтказиш тамойиллари, ташкилий услубларини аниқлаш, қайта ишлаш, умумлаштириш, натижаларидан фойдаланиш ва тарқатиш, аҳолини рўйхатга олиш субъектлари ўртасидаги муносабатларни тартибга солиш юзасидан ҳуқуқий асос яратилмаган.

Халқаро тавсияларга кўра, аҳолини рўйхатга олишни марказлаштириш, рўйхатга олишнинг мунтазамлиги, махсус тайёрланган мутахассислар — ҳисобчилар томонидан ўтказилиши, аниқ бир муддатда ўтказиш, белгилаб қўйилган аниқ дастурининг мавжудлиги ва тадбирни унга қатъий риоя қилган ҳолда ўтказиш, аҳолининг тўлиқ қамраб оlinиши, маълумотларнинг махфийлиги ва шахсийлаштирилиши, ихтиёрлик каби тамойилларга асосланади.

Давоми 2-бетда

”

Табақалаштирилган коммунал тўловлар тизимини жорий этиш, аҳолининг тўлов қобилиятини ошириш орқали фуқароларни қўллаб-қувватлаш энг устивор вазифалардандир.

«МИЛЛИЙ ТИКЛАНИШ» ДЕМОКРАТИК ПАРТИЯСИНING САЙЛОВОЛДИ ДАСТУРИДАН

✓ Ривожланаётган мамлакатларнинг салкам 20 фоиз ёшлари сифатан таълимдан махрум ва бандлик масаласида муаммоларга дуч келмоқда. Шунинг учун ҳам ҳар йили камида 5 миллион янги иш ўрни яратиш зарурати пайдо бўлмоқда.

ЖАНОБИ ЁШЛАР,

ХАТО ҚИЛИШГА ҲАҚҚИМИЗ ҲАМ, ҲУҚУҚИМИЗ ҲАМ ЙЎҚ!

Дунёда 30 ёшгача бўлган 2 миллиардга яқин аҳоли бўлиб, уларнинг аксарияти ривожланаётган мамлакатлар ва Марказий Осиё ҳиссасига тўғри келмоқда. Ушбу кўрсаткич кейинги ўн йилда янада ортиши ва бу жараён асосан бизнинг минтақамизда юз бериши кутиляпти.

Тўғри, аҳолининг ёшлар ҳисобига кўпайиши ўз навбатида, демографик дивидент, шунингдек, иқтисодий-ижтимоий ривожланиш учун кенг имконият яратади. Таҳлиллар шуни кўрсатмоқдаки, минтақамизда ёшларнинг ахборот технологиялари, бандлик, таълим, соғлиқни сақлаш соҳаларидаги эҳтиёжини қондириш, ёшларга тааллуқли глобал стратегияларни ишлаб чиқишда айнан ёшлар иштироки талаб даражасида эмас. Шунинг учун ҳам бутун дунёда ёшларга оид сиёсатни ишлаб чиқиш, улар ролини ошириш замон талабига айланди.

Маълумки, демографик дивидент деганда меҳнатга лаёқатли аҳолидан меҳнатга лаёқатсиз аҳоли сонининг кўп бўлиши тушунилади. Бу эса иқтисодий қўллаб-қувватлашга қаратилган сиёсатни кучайтириш ва инсон камолотига хизмат қилувчи сармояларни кўпайтиришни талаб қилади.

Ёшлар, уларнинг келажаги ҳақида гап кетганда, айна пайтда, ёш авлод онгу шуурига таҳдид солувчи омиллар нима, деган ҳақли савол туғилиши табиий. Глобаллашув даврида кечаётган жараёнлар, аёвсиз рақобат муҳитида биз учун ёт мафуралар ўртасидаги кураш тобора кескинлашиб, бузғунчи ғоялар урчигандан урчимокда. Хўш, бунинг олдини олиш учун қандай чоралар қўллаш керак?

Биринчидан, ушбу саволга Президентимиз Шавкат Мирзиёев ўтган йили Бирлашган Миллатлар Ташкилоти Бош Ассамблеясининг 72-сессиясида аниқ жавоб қайтарганини таъкидлаш жоиз.

«Бугунги дунё ёшлари – сон жиҳатидан бутун инсоният тарихидаги энг йурик авлоддир, чунки улар 2 миллиард кишини ташкил этмоқда. Сайёрамизнинг эртанги кунини, фаровонлиги фарзандларимиз қандай инсон бўлиб камолга етиши билан боғлиқ. Бизнинг асосий вазифамиз – ёшларнинг ўз салоҳиятини намоян қилиши учун зарур шароитлар яратиш, зўравонлик ғояси «виртус» тарқалишининг олдини олишдир. Бунинг учун ёш авлодни ижтимоий қўллаб-қувватлаш, унинг ҳуқуқ ва манфаатларини ҳимоя қилиш борасидаги кўп томонлама ҳамкорликни ривожлантириш лозим».

Ана шу нуфузли анжуманда Давлатимиз раҳбари ёшларга оид сиёсатни шакллантириш ва амалга оширишга қаратилган умумлаштирилган халқаро ҳуқуқий ҳужжат – «БМТнинг Ёшлар ҳуқуқлари тўғрисидаги

халқаро конвенцияси»ни ишлаб чиқиш, унда ёшларнинг онгу тафаккурини маърифат асосида шакллантириш ва тарбиялаш – энг муҳим вазифа эканига ҳам ургу бердилар. Шундан келиб чиққан ҳолда Ўзбекистон «Миллий тикланиш» демократик партияси ўзининг дастурий мақсад ва вазифалари ижросини таъминлаш орқали кейинги беш йилликда асосий эътиборини таълим-тарбияга қаратмоқда.

Иккинчидан, Шанхай ҳамкорлик ташкилотининг минтақавий аксилтеррор тузилмаси томонидан 2018 йилда ёт ғояларни тарғиб қилувчи ярим миллион интернет ресурси фаолиятига чек қўйилганидан хабаримиз бор. Уларнинг 360 дан ортиғи террористик ва таъқиқланган диний ташкилотларнинг сайти экани ёшлар тарбиясига маъсул бўлган ташкилотлар олдига долзарб масалаларни қўяди, албатта.

Шу билан бирга экстремистик фаолият ва зўравонлик билан боғлиқ жиноятларнинг аксарияти 30 ёшга тўлмаган ёшлар томонидан содир этилаётгани ушбу масаланинг ниҳоятда муҳим эканидан далолатдир. Шу боис, ёшларнинг онгу тафаккурини маърифат асосида шакллантириш ва тарбиялаш, айрим ижтимоий тармоқлардаги бузғунчи ғояларга қарши курашиш ва бу борада ёшлардан иборат фикр етакчилари гуруҳларини шакллантириш лозим, деб



Ишонинг, «Миллий тикланиш» партияси Сизга ҳар қандай масалада сўянч бўла олади!

ҳам ҳар йили камида 5 миллион янги иш ўрни яратиш зарурати пайдо бўлмоқда. Бундан ташқари 30-35 ёшдаги жами аҳолининг 65 фоизини ёшлар ташкил этса-да, вакиллик органларида 35 ёшгача бўлган ёшлар атиги 6 фоизни ташкил этаётганини қайд этиш лозим.

Шу боис «Миллий тикланиш» демократик партияси келгуси беш йилликда вакиллик органларида ёшларнинг кўпроқ ўрин эгаллашлари учун депутатликка кўрсатилаётган номзодлар бўйича ёшлар учун квота (масалан, 30%) белгилашга қаратилган ҳуқуқий нормаларни ишлаб чиқиш ва амалиётга тадбиқ этиш, ёшларни сиёсий ҳаётга кенг жалб этадиган, уларнинг ҳуқуқий саводхонлигини ошириб, баҳс-мунозара асосида яратиладиган маҳаллий ҳамда халқаро даражадаги лойиҳаларни ишлаб чиқишни режа қилган. Негаки ёшлар сиёсий жараёнларнинг фаол иштирокчиси бўлмас экан, бу жараёнларнинг қузатувчиси бўлиб қолаверади. Шу ўринда давлат арбоби, БМТнинг собиқ Бош котиби Кофи Аннанинг қуйидаги фикрларини эслаш ўринли «...ҳеч бир инсон намунали фуқаро бўлиб туғилмайди, бирор давлат эса ташкил топган кунданоқ демократик бўлмайди. Унис ҳам, буниси ҳам бир инсон умридан узокроқ давом этадиган жараён дидир. Яъни, ёшлар туғилган пайтиданоқ бу жараёнларда фаол иштирок этиши лозим. Ўз ёшларидан узилиб қолган жамият, гўёки ўз ҳаёт томирларини кесиб ташлаган жамиятдир. Бундай жамият эса кўп қон йўқотиш сабаб ҳалокатга маҳкум бўлади».

Айтиш мумкинки, Ўзбекистон «Миллий тикланиш» демократик партияси айна пайтда инсониятнинг асл қадриятлари бўлмиш буюк меросини: давлатнинг «мен»ини ташкил этувчи

МАЪЛУМОТЛАРГА ҚАРАГАНДА,

айни пайтда 57 та касб йўқолиш арафасида турибди, 186 та янги касб меҳнат бозорига ўзига хос рақобатни келтириб чиқармоқда.

бўлмаган ёш мутахассислар ҳисобига ошмоқда. Улар меҳнат шароитлари оғир ва зарарли ишларга жалб этилмоқда. Партиянинг вазифаси миграция жараёнини камайтириш эмас, балки меҳнат мигрантларининг олий маълумотли, малакали мутахассис бўлиши ҳисобига вазиятни барқарорлаштиришга эришиш) хориждаги нуфузли олий таълим муассасаларининг филиаллари сонини ошириш, соҳага қўшимча грантлар жалб этиш, давлат молиявий харажатларини кўпайтириш ҳамда коррупциянинг олдини олишда ташаббус кўрсатишимиз лозим. Бундан ташқари партия ёшларга муаммоларни келтириб чиқарадиган қатлам сифатидаги қарашларнинг олдини олиш, уларнинг ислохотларга янги мазмун бахш этадиган етакчи куч сифатида шаклланишига имкон яратиш, моддий ҳамда маънавий қўллаб-қувватлашга қаратилган давлат дастурлари тайёрлашда фаол иштирок этишини таъминлайди.

Маълумотларга қараганда, ривожланаётган мамлакатларнинг салкам 20 фоиз ёшлари сифатли таълимдан махрум ва бандлик масаласида муаммоларга дуч келмоқда. Шунинг учун

муҳим ўзак тушунчаларини, халқининг ўзлигини, тили, маданияти, анъана ва қадриятлари, тарихи, санъати ва моддий-маданий меросини асрашга ҳамда уни янада ривожлантиришга кафолат бўлиб хизмат қилувчи, бу йўлда миллат эътибори, айниқса, ёшларни ҳаракатга ундовчи ва бирлаштирувчи сиёсий кучга айланиш учун бор имкониятларини ишга соляпти.

Партияимиз таркибида «Ёшлар қаноти» институти алоҳида ўрин тутди. Бу – ўз кучига ишонган, ўз қобилияти ва имкониятларини намоян этадиган, ўз тумани, шаҳри, вилояти, қолаверса, мамлакатни ривожига ҳисса қўишини мақсад қилган ҳолда ўзининг сиёсий қарашларини эркин ифода этадиган фаоллар уюшмасидир. «Ёшлар қаноти» тизим ичида шаклланади ва фаолият юритади, яъни бошланғич партия ташкилоти аъзолари, партия фаоллари (экспертлар) ва депутатлик корпусларидаги ёшлар қатламини фаоллаштирувчи, бирлаштирувчи бўлин ҳисобланади.

Феруза МУХАМЕДЖОНОВА, «Миллий тикланиш» демократик партияси Марказий кенгаши раиси ўринбосари

Кутинг!

**ХАЛҚ ТАЪЛИМИ
ВАЗИРИ, ЖАНОБИ
ШЕРЗОД ШЕРМАТОВ**

**ҚАЧОН ПОРА
ОЛГАН?**

Келгуси сонларда

Ҳар бир кунни ўлча, сарфлаган ҳар бир дақиқангни ҳисобга ол! Фақат вақт масаласидагина хасислик қилиш мумкин.

Т. Манн

